

3 JAN 1996

MAHATHIR TONTON PERSEMBAHAN LITTLE ANGELS

KUALA LUMPUR, 3 Jan (Bernama) -- Perdana Menteri Datuk Seri Dr Mahathir Mohamad dan isteri Datin Seri Dr Siti Hasmah Mohd Ali malam ini menonton persembahan amal perdana "The Little Angels" dari Korea Selatan di Pusat Dagangan Dunia Putra (PWTC) di sini.

Ini kali kedua kumpulan tarian ballet terkenal Korea itu mengadakan persembahan di Malaysia. Kali pertama pada tahun 1974.

Persembahan bertaraf antarabangsa itu dianjurkan oleh Collegiate Association for Research Foundation of Principles (CARP) dengan kerjasama Yayasan Kebajikan Negara.

Sebelum persembahan bermula, Dr Mahathir menerima sumbangan cek daripada Sungai Way Management Sdn Bhd (RM50,000), Shuang Hor Enterprise (M) Sdn Bhd (RM50,000) dan Yayasan Seni Berdaftar (RM30,000) sebagai sumbangan kepada Yayasan Kebajikan Negara. -- BERNAMA